




Broj: 13-04/1-11-39781-1/22  
Sarajevo: 19.10.2022. godine



JU "Služba za zapošljavanje Kantona Sarajevo" - Sarajevo  
Đoke Mazalića 3  
71000 Sarajevo

**Predmet: Mišljenje o Nacrtu finansijskog plana prihoda i primitaka i rashoda i izdataka Javne ustanove "Služba za zapošljavanje Kantona Sarajevo" - Sarajevo za 2023. godinu – dostavlja se**

Nacrt finansijskog plana prihoda i primitaka i rashoda i izdataka Javne ustanove "Služba za zapošljavanje Kantona Sarajevo" – Sarajevo za 2023. godinu, donešen od strane Upravnog odbora i prihvaćen od strane Nadzornog odbora, urađen je u skladu sa Odlukom o metodologiji izrade i donošenja programa rada i izvještaja o radu Vlade Kantona Sarajevo i kantonalnih organa („Službene novine Kantona Sarajevo“, br. 23/21, 52/21 i 32/22), Zakonom o posredovanju u zapošljavanju i socijalnoj sigurnosti nezaposlenih osoba („Službene novine Federacije Bosne i Hercegovine“ br. 41/01, 22/05 i 9/08), Zakonom o posredovanju u zapošljavanju i socijalnoj sigurnosti nezaposlenih osoba u Kantonu Sarajevo („Službene novine Kantona Sarajevo“ br. 4/04, 29/09 i 18/13), Zakonom o budžetima u Federaciji Bosne i Hercegovine („Službene novine Federacije Bosne i Hercegovine“ br. 102/13, 9/14, 13/14, 8/15, 91/15, 102/15, 104/16, 5/18, 11/19, 99/19 i 25a/22), te drugim zakonima koji se primjenjuju kod ostvarivanja prava nezaposlenih osoba, a koji se prevashodno odnose na zdravstvenu zaštitu i penzijsko i invalidsko osiguranje, a u smislu predviđanja finansiranja svih obaveza za koje je ova javna ustanova nadležna.

U finansijskom planu Javne ustanove „Služba za zapošljavanje Kantona Sarajevo“ - Sarajevo za 2023. godinu, planirani su ukupni prihodi i primici u iznosu od 71.533.824,00 KM i to:

- Prihodi od poreza:	37.409.319,00 KM
- Neporezni prihodi:	304.000,00 KM
- Tekući transferi:	3.340.487,00 KM
- Primici:	5.000,00 KM
- Prenesena sredstva iz prethodne godine:	30.475.018,00 KM

Analiziranjem dijela "Ukupni prihodi i primici" po pozicijama, uočeno je slijedeće:

- Planirani prihodi od doprinosa za osiguranje od nezaposlenosti u 2023. godini iznose 37.409.319,00 KM i manji su u odnosu na planirane u 2022. godinu za 2.840.681,00 KM, odnosno 7 %. Prilikom planiranja prihoda, uzete su u obzir revidirane projekcije prihoda od strane Federalnog ministarstva (izmjene zakonskih propisa u okviru primjene niže stope





doprinosa), koje prate pozitivne makroekonomske prognoze Direkcije za ekonomsko planiranje;

- Prihodi od kamata na depozite u banci iznose 8.000,00 KM i veći su u odnosu na planirane u 2022. godini za 4.000,00 KM, odnosno 100 %;
- Planirani prihodi od pružanja usluga građanima – radne dozvole iznose 140.000,00 KM i veći su u odnosu na 2022. godinu za 10.000,00 KM, odnosno 8 %, zbog pretpostavke da će biti veća naplata administrativnih troškova vezano za izdavanje radnih dozvola strancima, a zbog nedostatka domaće radne snage;
- Ostali prihodi i povrati planirani su u iznosu od 156.000,00 KM i uvećani su u odnosu na planirane u 2022. godinu za 3.000,00 KM, odnosno za 2 %, a odnose se na povrat više uplaćenih tekućih transfera pojedincima za novčanu naknadu i subvencija za aktivnu politiku zapošljavanja;
- Transfer Federalnog zavoda za zapošljavanje planiran je u iznosu od 180.307,00 KM i umanjen je u odnosu na 2022. godinu za 179.693,00 KM, odnosno za 50 % i planiran je na osnovu potpisanog sporazuma Programa sufinansiranja zapošljavanja za djecu sa poteškoćama u osnovnom i srednjem obrazovanju u redovnoj nastavi u okviru aktivne politike zapošljavanja;
- Transfer Ministarstva saobraćaja planiran je u iznosu od 3.160.180,00 KM i umanjen je u odnosu na 2022. godinu za 806.820,00 KM, odnosno 20 %, a odnosi se na Program mjera za socijalno zbrinjavanje radnika koji u procesu restrukturiranja preduzeća ostaju bez posla, a ispunjavaju uslove za penziju. Isti se planira na osnovu uplata od strane Ministarstva saobraćaja Kantona Sarajevo;
- Primljene otplate od pozajmljivanja planirane su u iznosu od 5.000,00 KM i veće su u odnosu na 2022. godinu za 2.000,00 KM, odnosno 67 %;

Procjenjuje se da će Javna ustanova „Služba za zapošljavanje Kantona Sarajevo“ Sarajevo po završnom obračunu za 2022. godinu, ostvariti višak prihoda nad rashodima u iznosu od 30.475.018,00 KM i isti je uvršten u Finansijski plan prihoda i primitaka za 2023. godinu.

Rashodi i izdaci planirani su u ukupnom iznosu od 71.533.824,00 KM i to:

- Plaće i naknade troškova zaposlenih	5.903.755,00 KM
- Doprinosi poslodavca i ostali doprinosi	581.355,00 KM
- Materijal, sitan inventar i usluge	1.617.342,00 KM
- Transfer za fond za invalide	347.689,00 KM
- Ostali transferi PIO/MIO	4.110.180,00 KM
- Tekući transferi pojedincima (Novčana naknada nezaposlenim licima i doprinos za zdravstveno osiguranje za nezaposlena lica)	20.420.000,00 KM
- Aktivna politika zapošljavanja	37.418.627,00 KM
- Drugi tekući rashodi–povrat više uplaćenih doprinosa u ranijim godinama i drugi tekući rashodi	100.000,00 KM
- Kapitalni izdaci	1.034.876,00 KM

Analiziranjem dijela "Rashodi i izdaci", u odnosu na prethodnu godinu, uočeno je slijedeće:

- na poziciji bruto plaće i naknade plaća planirano je povećanje sredstava u odnosu na 2022. godinu za 10,00 %, s obrazloženjem, da je planirani iznos sredstava za bruto



Adresa: Reisa Džemaludina Čauševića 1, 71 000 Sarajevo

Tel: + 387(0)33 562-089, Fax: + 387(0)33 562-090

Web: <http://mrsri.ks.gov.ba>, E-mail: [mrsri@mrsri.ks.gov.ba](mailto:mrsri@mrsri.ks.gov.ba)



- plaće u 2023. godini sačinjen na osnovu uvećanja minulog rada za godinu, očekivanog porasta inflacije, a samim tim i troškova života, kao i usklađivanja plaća sa istim;
- Iz gore navedenih razloga planirano je i povećanje sredstava na poziciji doprinosi poslodavca i ostali doprinosi za 10,00 %;
  - Iznos planiranih sredstava veći je u odnosu na 2022. godinu i na slijedećim pozicijama: izdaci za putne troškove za 33,00 %, izdaci za energiju za 19,00 %, izdaci za komunikaciju i komunalne usluge za 12 %, izdaci za nabavku materijala i sitnog inventara za 5,00 %, izdaci za usluge prevoza i goriva za 10,00 %, izdaci za unajmljivanje imovine, opreme i nematerijalne imovine za 4,00 %, izdaci za tekuće održavanje za 9,00 %, izdaci osiguranja, bankarskih usluga i usluga platnog prometa za 4 %;
  - Izdaci za ugovorene i druge posebne usluge planirani su u većem iznosu u odnosu na 2022. godinu za 71 %;
  - Na poziciji ostali transferi PIO/MIO, planirana su sredstva u iznosu od 4.110.180,00 KM i to: za isplatu doprinosa za PIO – dokup staža u iznosu od 450.000,00 KM, za materijalnu i socijalnu sigurnost, po osnovu Programa mjera za socijalno zbrinjavanje zaposlenika koji su u procesu stečaja, likvidacije, restruktuiranja i privatizacije preduzeća ostali ili ostaju bez posla, u iznosu od 3.660.180,00 KM (od toga 500.000,00 KM iz vlastitih izvora, a 3.160.180,00 KM odnose se na ostatak neutrošenih sredstava transfera Ministarstva saobraćaja Kantona Sarajevo iz 2022. godine). Planirani izdaci su manji u odnosu na planirane iz 2022. godine za 16 %;
  - Na poziciji tekući transferi pojedincima planirana su sredstva u ukupnom iznosu od 20.420.000,00 KM i manja su u odnosu na 2022. godinu za 5 %, a odnose se na novčane naknade nezaposlenim licima u iznosu od 16.100.000,00 KM i doprinosa za zdravstveno osiguranje za nezaposlena lica u iznosu od 4.320.000,00 KM;
  - Na poziciji aktivna politika zapošljavanja planirana su sredstva u iznosu od 37.418.627,00 KM i to: za obaveze po podsticajnim mjerama koje se prenose iz prethodnih godina, planirana su sredstva u iznosu od 30.284.542,00 KM, za nove podsticajne mjere za zapošljavanje koje utvrđuje Vlada Kantona Sarajevo u iznosu od 6.953.778,00 KM, za ostale subvencije za aktivnu politiku zapošljavanja (transfer od Federalnog zavoda za zapošljavanje) u iznosu od 180.307,00 KM. Planirana sredstva su manja u odnosu na prethodnu godinu za 11 %;
  - Iznos sredstava na kapitalnim izdacima uvećan je za 672.856,00 KM, odnosno za 186 % u odnosu na 2022. godinu i to: na nabavci opreme i namještaja uvećan je iznos za 15,00 %, na nabavci ostalih stalnih sredstava (softver) uvećan je iznos za 1.798 % i na rekonstrukciji i adaptaciji poslovnog prostora iznos je uvećan za 159,00 %.

Smatramo značajnim da su sredstva na poziciji podsticajne mjere iz prethodnih godina planirana u iznosu od 30.284.542,00 KM, da su podsticajne mjere za tekuću godinu planirane u iznosu od 6.953.778,00 KM, te ostale subvencije za aktivnu politiku zapošljavanja (transferi FZZZ) u iznosu od 180.307,00 KM, odnosno da su sredstva za aktivnu politiku zapošljavanja planirana u ukupnom iznosu od 37.418.627,00 KM, obzirom na značaj ove mjere, čije blagovremno provođenje utiče na smanjenje broja nezaposlenih osoba. Takođe je bitno napomenuti, da su sredstva za program socijalnog zbrinjavanja zaposlenih koji su u procesu stečaja, likvidacije, restruktuiranja i privatizacije preduzeća ostali ili ostaju bez posla, kao i sredstva za isplatu doprinosa, odnosno dokup staža, zajedno sa ostatkom neutrošenih sredstava transfera Ministarstva saobraćaja Kantona Sarajevo iz 2022. godine, planirana u ukupnom iznosu od 4.110.180,00 KM. Veliki značaj je i u činjenici da su sredstva za novčane naknade nezaposlenim osobama planirana u iznosu od



16.100.000,00 KM, te sredstva za zdravstveno osiguranje nezaposlenih osoba u iznosu od 4.320.000,00 KM.

Nacrt finansijskog plana prihoda i primitaka i rashoda i izdataka Javne ustanove "Služba za zapošljavanje Kantona Sarajevo" - Sarajevo za 2023. godinu je detaljno obrazložen i sa aspekta nadležnosti ovog ministarstva ocjenjen je prihvatljivim.

U domenu primjene Zakona o budžetima u Federaciji Bosne i Hercegovine ("Službene novine Federacije Bosne i Hercegovine" br. 102/13, 9/14, 13/14, 8/15, 91/15, 102/15, 104/16, 5/18, 11/19, 99/19 i 25a/22), a sa aspekta nadležnosti ovog ministarstva, ocijenjeno je da je Nacrt finansijskog plana prihoda i primitaka i rashoda i izdataka Javne ustanove "Služba za zapošljavanje Kantona Sarajevo" – Sarajevo za 2023. godinu sačinjen u skladu sa pomenutim Zakonom i Odlukom o metodologiji izrade i donošenja programa rada i izvještaja o radu Vlade Kantona Sarajevo i kantonalnih organa ("Službene novine Kantona Sarajevo" broj: 23/21, 52/21 i 32/22), te da je isti, u finansijskom smislu, uravnotežen u skladu sa Zakonom o budžetima.

S poštovanjem,

Pripremila: Edina Čičić, stručna savjetnica  
Kontrolisali: Lejla Gvozden, šefica odjeljenja  
Nuriya Hodžić, pomoćnik ministrice

Sekretarka ministarstva: Amira Gackić

MINISTRICA

Ivana Prvulović

**Dostaviti:**

1. Naslovu
2. a/a

